

寒柯堂  
避寇詩草

甲申秋日

賀揚石並題



浙江圖書館



(2)



浙江圖書館

寒柯堂避寇詩草卷二

龍游

余紹宋

已卯元日

隙視流萍祇自傷每逢新歲便徬徨鄉間風物雖依舊亂裏光陰倍覺長  
夢入華胥憎爆竹胸多塊壘怯椒觴明年此日知何似且惜餘歡尙未央

棲遲

爲愛民風厚棲遲又一年鄉隣爭供客蔬筍不論錢靜極惟聞瀨閒來獨

品泉

沐塵有泉至帶鄉人不齒以爲貴也予盛稱之衆始知珍重

亂離能獲此奚必賦游仙

梅溪去年僅存老梅一株今春重訪則已爲樵人剪伐僅存枯根矣

慨然有作

知音寥落古今同卽此孤芳遇亦窮  
剝極竟難存碩果焚餘誰爲泣焦桐  
臨流對月魂應返吹笛橫琴曲悄終  
寂寂梅溪殘照裏枯根猶似怨東風  
居沐塵再見燕來感賦

春燕又南來驚心物候催故巢欣未毀  
舊主許重回繾綣依人意羈遲動  
客哀飄飄身共託頻睨費疑猜

山居雜興六首

少小城居壯服官那知稼穡事艱難  
於今菽麥差能辨俛仰平生愧素餐  
茶寮平話說精忠悲憤填膺老幼同  
往事已隨流水去至今誰復主和戎  
興來偶傍小溪行照見鬚眉突自驚  
無怪兒童尊敬我相逢爭喚老先生  
極愛雲山變幻奇溪邊閒眺輒忘疲  
村農不識清幽趣背向旁人笑我癡

荇藻參差左右流清溪一曲羨魚游臨淵誰是忘機者試看村童理釣鉤  
波光嵐影兩蒼茫儘有天然好句藏蹊蹊祇慚詩思鈍未能採摘入奚囊

山居春興六首

菜花黃後滿山紅

杜鵑花  
俗名

麥秀漸漸展煖風幽興未闌愁忽起一聲杜宇出

林中



山花野卉不知名奇艷幽馨自向榮獨惜靈均千載意芳情惟是信蘭蘅  
綠陰庭院穿新燕深靄芳叢嚙畫眉如許春光能有幾沈吟觀化負心期  
花葉繽紛蝴蝶飛蹁躑亦似怨芳菲暗香脈脈難尋覓一別蘭蓀何處歸  
一院花深晝掩門瀟瀟細雨動黃昏多情燕子翩來往撩亂春愁枉斷魂  
烟塵未息總關情夢裏頻驚鼓角鳴風雨連朝春漲急始知嗚咽是灘聲

于役永康書懷

山澤不見遺蒲輪驚殊遇白首爲議郎類學邯鄲步出處亦何常抱義期  
不污應徵寧本懷睠睠國多故物望謬傾心安敢辭辭衰暮所愧成濫竽徒  
勞倚借著大敵尙當前我罔何由固災區與流亡撫綏孰急務民生方殿  
屎疾苦誰與訴政理紛萬端更僕難悉數治絲貫挈綱去疾宜療痼吾雖  
無能爲勉竭涓埃助仗馬吾所羞覆車吾所懼其濟諸君靈不濟謁告去  
敢希末路榮終慕滄洲趣

黃梅鄧冶歐往見予題萬年少爲顧亭林畫秋江別思圖古詩甚加  
稱許形諸篇章己卯夏予于役永康僦居高園村舍冶歐特自方  
巖來訪遂與訂交予示以書懷篇冶歐遂依韻作賀詩見贈因疊

前韻答之

孟子戒熱中獲禽憎詭遇荀卿鞭駑鈍致遠積跬步體行慙未能出處每  
虞污寧堪作賀詞毋乃囿世故荒村枉車塵相見嗟遲暮高唱聲如雷展  
誦幾失箸結交緣古歡媒介已貞固顧萬跡雖遙執義同所務悠悠號蒼  
天望古欲上訴戎禍今爲烈疇云關氣數視息旣猶存烟霞忍成瘡寧貽  
馮婦笑冀博愚公助非無桑榆悲共此棟榱懼邦族終我復相期賦歸去  
此意君必知樂道有真趣

永康高園村舍

瓮牖桑樞絕往還莓苔蔓草且夷刪滿村鷄鶩容爭食一室絃歌自閉關  
教澤已漓驚俗敝農功未盡恤時艱安茲僻陋聊隨遇懶看溪南濯濯山

讀清初卓爾堪明末四百家遺民詩選慨然有作四首

歷歷崇弘事分明在眼前  
垂亡還聚斂屢劔尙爭權  
民散兵猶匪官降士  
獨賢滄桑無限恨詩史爲流傳

卓子亦人豪艱危選政操  
搜羅窮草野箸錄盡英髦  
正氣留殷鑒哀思過

楚騷孤燈勤秉筆風雨助悲號

尙懼千時諱刪與割愛多  
怨誹存小雅感歎寄銅駝  
戚戚漪蘭操淒淒麥

秀歌披吟未終卷泗涕已滂沱

歌哭志不貳烏烏變徵音  
遺民千古恨節士百年心  
霜雁清秋唳寒蛩永

夜吟終篇益惆悵戎禍到於今

楊花詞

儂性本楊花喜新不喜故故歡縱多情儂顏不常駐

解一

新歡好狹邪愛儂顏如花儂能鮮卑語亦解彈琵琶

解二

昨來夢故歡曲意猶憐想恐被新歡嗔反顏不與語

解三

新歡慘將別宛轉牽征衣不愁君別歡但愁君不歸

解四

不歸儂將老琵琶難別抱歧路逢故歡猶道新歡好

解五

捐棄不敢怨覆水不可收可憐楊白花飄蕩隨東流

解六

方巖讌集被酒對雨次韻和查寬之見贈用黃仲則太白

樓詩韻之作

嗟我奚事人間來遣愁無那金尊開杜陵醉語真快絕儒術於我何有哉  
而況寇氛近咫尺那許從容作詞伯酒酣耳熱不自持四顧茫茫驚作客

作客方巖朗抱開論交得君尤展眉君雖斷飲懼亂性懸知一日腸九回  
登臨勝集意飛舞江山何處非吾土縱教胡馬滿乾坤安能撓我神明主  
詩情忽寄大江濱哀思豪語驚衆賓自傷才拙難爲和磯頭燕子空招魂  
湔愁滌慮亦賴此此懷耿耿吾與爾爾能成佛我託仙解脫未容君擅美  
快哉風雨打巖頭飛泉百道鳴林丘散珠戛玉同撫掌可似詞源二峽流  
余昌棣以予十七歲時爲其先人狷一先生所書楹帖見示因憶當  
時甚承贊許感舊撫時率題一律

舊痕豈意今猶在老輩風規想見之直似虬蛇還獎借不遺葑菲敢忘知  
寸心得失憑茲驗卅載因緣動我悲卽此已如隔世業倉皇人事幾推移

沐塵泉

有序

沐塵村東山麓有泉至清色微白味至甘冽村人不以爲貴也予  
避居是村日必汲飲因勒石泉側卽以村名名之村名甚古見諸  
舊志未詳其由來得毋以是泉堪沐塵俗而得名耶後訛木城實  
無取義詩以紀之

昔聞杜陵言神物有顯晦久晦亦何傷神物自珍祕斯泉出斯山清絕世  
莫比石罅迸甘乳巖竇滋寒瀨泫然渟一泓澄澈實稱最長松雜修竹嘉  
廕涵澹澗汲飲沁肝脾信可沐塵壻頗疑此村名取義本斯在後人竟蒙  
昧臆造良可慨遂使失真源歲久淪荒穢內美有誰知發潛須吾輩窮居  
思潔身韜隱諧幽契誓將復其初勒石期弗替豈希成佳話自謂得真諦  
亦使泉與村相依不偏廢烟塵况迷湧何處堪滌漑賴此潔心源莫漫譏

好事茲山本清峻  
沆瀣原一氣我為表其微  
或觸山靈忌寧知  
蘊奇珍本為斯民利  
出處亦猶人遇合  
良不易顯晦若前定  
此理難思議非敢詡知  
音聊寄千秋意

明月三章章四句

明月照我牀  
思親不能忘  
悠悠入清夢  
冉冉歸故鄉

明月照我幃  
忽覺在庭闈  
夢中如有識  
心傍白雲飛

白雲渺天際  
飄然心如醉  
夢回月依然  
皎皎知我意

阮毅成以予為其先人荀伯先生所作書畫見示皆二十年前作於故都及杭州者近始託人展轉自危城中取歸追念前塵率書一

律為贈

前塵不若莫思量  
覩物懷人歎亂亡  
賸有王戎知叔夜  
真如向秀過山陽  
久要不忘真風義  
歷劫猶存反及感傷  
杭郡燕都事何限  
一回展視一回腸

臨水書感

村居傍谿流  
日夕來當風  
感茲滔滔水  
奚爲流不窮  
滔滔雖猶是  
其質已不同  
乃知去來今  
倏忽無留蹤  
宇宙森萬象  
執此理可通  
大哉川上歎  
一語破鴻濛

袁巽初自道州寄贈唐元次山竄尊銘拓本予向所未見者銘爲瞿  
令問書作懸針篆古樸可愛以僻在荒陬知者較鮮傳本遂稀故  
文字完好巽初并示所作詩因次韻答謝

繭齋貽我次山銘  
能致遠物同六丁  
開緘古色動異彩  
石墨初寫如黃庭

紙方三尺字二寸玲瓏結綺疑疏樛次山奇情寄石刻製作新字多不經

晤臺之晤唐亭之唐皆次山所製

懸針一體尤所尚三吾烜赫溪臺亭

晉溪晤臺唐亭三銘世稱三吾碑

竒巖遺

蹟復覩此筆勢飄忽驅雷霆既名為尊字亦肖結體圓轉規銀瓶江華篆

勢世僅見何況此刻猶完形開鑿攷拭

四字見銘說

夜鬼哭碎磷鬱律蛟龍腥銘

詞偏不及酒醴想見此老還獨醒縱在荒陬知者鮮神物豈肯終沉冥得

君題詩益增重張之陋室惟吾馨屬和苦乏江郎筆割腹空羨胡生釘何

時南游遂夙願裴徊其下留槌型

用李陽冰鑿碧落碑事

附袁異初原作題為李蘭庭手拓竒尊銘詩云南游手拓竒尊銘裏氈

椎石聲丁丁肆工顰眉助不得此中健者推蘭庭拓成楮墨發奇彩光

風汎惠生軒樛江華大夫

翟令聞江華縣大夫

筆力好篆法古茂依石經藏積不蝕

字完整讀者辨廬休譌亭宋人即誤以廬為亮漫郎雄文有神護貞珉歷劫支風霆州載

此言曾為志雷擊當年長瓢佐酒連此器太樸羞疊瓶僮奴何物乃敢爾粗沙礪

角磨遺形近代有縣令某乃磨去宏尊原形而自刻一詩於上惡劣舊狀州人無阻之者誠屬怪事佛頭著糞事誠怪凍雨莫洗

窮年睚州人熟視竟無覩意者衆醉難為醒州人莫不好飲酒石魚鐫詞亦滅沒石魚

湖今亦不知在何處瀟水北去波冥冥危哉斯文幸未墜多君出手揚靈馨客中贈

我慰寂寞得寶豈屑誇萬釘吾家尚有悟廬字晤亭悟廬二銘皆表滋書今尚存好共祕笈

留芳型

題蔣蓮僧畫環翠樓觀海圖為徐東藩有序

樓在威海衛明時建原有弘治四年趙鶴齡書碑刻七言排律一

首作章草體甚精美光緒甲午之役日本佔威海衛因詩中有區

區倭種而今遁句遂仆而碎之沉諸海今榻本已稀如星鳳矣徐君東藩宦威海衛時曾得一本爲之攝影幸得見之蔣蓮僧因爲作此圖

威城屹立黃海濱高樓環翠當其津登臨四望難爲水渺瀰漫嗟無垠蓬萊三山吞芥蒂齊烟九點凝青黛長天寥廓窮杳冥賦才張木今安在憶從設衛始盛明控制溟渤防鯢鯨海不揚波五百載哀哉一戰隳長城豐碑何辜亦遭毀翰墨精靈沉海底茲樓突兀尙凌虛坐閱滄桑猶未已腥風惡浪滔天高怪龍罔象成天驕不惟威防失統馭藩籬盡撤哀飄搖泱泱大風豈終歇撫今懷古心如結卽今樓下怒潮聲猶爲吾曹助嗚咽東藩真是有心人愁同王粲徒傷神畫圖寫出蒼茫意蓮僧老筆生風雲

風雲莽莽何時了展圖莫漫傷懷抱東門刻石會有期重立詩碑翠環繞

題自畫夕陽烟柳圖

寫辛稼軒摸魚兒詞意

怯倚危欄望莽蒼沉吟未忍負秋光稼軒幽意憑誰識烟柳斜陽正斷腸

讀陶淵明飲酒詩書其後

自來數酒人屈指首五柳乃其飲酒詩意不盡在酒達人解其會將以遺  
世垢有酒固陶然止酒亦非偶闕酌和歲暮虛罍詠重九詩成心相醉豈  
必杯在手任真忽忘天物我皆芻狗聊復得此生一語見抱負不喜亦不  
懼醉醒復何有俗子妄揣量謂飲可不朽詩中幾酒樓作態良可醜沉湎  
以爲高哀哉三季後君子之所爲衆人固掩口讀書良亦難此義沉埋久

千載知音人惟有東坡叟和詩得其神九原真可友

東坡和陶詩有云我欲作九原獨與淵明歸

落花詩八首次韻和袁爾齋

驀地飛英撲面輕蹉跎始覺歲崢嶸也知美景難常駐却怨蒼穹太薄情  
艷質頓消徒自懺污泥不滓已爲榮當筵我亦傷遲暮洛誦來詩百感生  
點點飄來散亂紅維摩天女有無中小園客去餘高閣深苑春回覓故叢  
隱約似曾拚猛雨繽紛猶自舞東風閒情漫逐芳菲往離合悲歡到處同  
風朝露夜粲羣芳腸斷當年走馬場別院夢回憐委藉一池吹縹費平章  
聽殘玉笛聲何曼飛上瑤箋句亦香春去匆匆杳無迹前塵早已悔清狂  
閒來怕詠送春辭底事傷懷復自疑聞篴山陽常侍感對槐幕府仲文悲  
漫尋芳躅應憐我待寫靈馨付向誰一瓣心香別有託任教人說是書癡  
何時黍谷氣重回黯黯愁雲撥不開避亂空懷陶令計傷春誰是杜陵才

津迷絕境忘來路，花近高樓怯上臺。  
細柳新蒲偏作態，憐君搖落動吾哀。  
憶自辭根怨阻修，故枝回復已無由。  
空嗟節物頻推換，忍委芳情忘寇仇。  
癡蝶徘徊猶戀惜，佳人惆悵且歸休。  
園中草木春無數，一樣飄零替我愁。  
蕭蕭風雨暗黃昏，隱隱莓苔記宿痕。  
萬里積陰驚劇變，一生負氣敢孤恩。  
誰言瓊樹能長見，太息瑤華已不存。  
差喜尙留乾淨土，好憑靈液溉枯根。  
幾度迴腸望欲歸，可憐所得祇沾衣。  
浮生一夢情原幻，好事重來境已非。  
舉世榮華隨逝水，餘年露電惜斜暉。  
興衰也等花開落，回首風塵靜掩扉。

己卯中秋

時寓居永康  
高園村舍

去年團欒月照我，沐塵居今年羈旅人。  
待月荒村墟久待，月不出清尊設。  
徒虛翹首怨浮雲，奚爲慘不舒天公。  
憐我癡好風爲驅，除破空忽一現慰。

我情躊躇既開還復合好景惜須臾雨來竟無蹤  
霖沾衣裾衣沾豈足惜旅懷且暫據團欒本難久好景亦易徂  
慰情既勝無還歸臥蓬廬清夢到沐塵覺來猶蘧蘧

出征九首僭次杜工部前出塞詩韻

泱泱我祖國帶礪盟山河豈圖及我身戎禍竟親羅  
義戰古所尙復仇聖所多偪處疇能堪安敢辭枕戈

抽籤定甲乙官長寧我欺不欲博吏歡徵集或非時  
非時亦何傷但恐污素絲遲速終不免奮然舉旌旗

男兒誓許國自負好身手內華而外夷此義聞已久  
新豐折臂徒今日寧復有苟非出本懷束縛同馭朽

有吏疑我逃繫我自由身見疑雖辱云不怨亦不嗔忠義本所安決絕辭  
所親猶復不相諒行者爲酸辛

所親走相送銜哀始從軍哀軍乃不勝異哉吾所聞我今往殺敵豈尙惜  
離羣所親苦相慰祝我立奇勳

奇勳寧所望且盡我所長振我大夏威懲彼夜郎王漢賊不兩立誓復我  
故疆夢中告所親雖死莫悲傷

東南復西北轉戰度關山叱咤風雲裏馳驅戎馬間犧牲志已決寧復計  
生還死固非所祈名亦非所攀

武士失其道將驕志已昏師老久無功雖衆必潰奔哀哉叛國徒揖盜竟  
開門大義終不泯失地安足論

苦戰逾兩年不死已爲功失地雖云廣所幸敵愾同同行喪亡盡而我猶  
從戎勞者且自歌歌罷恨何窮

後出征五首仍次杜工部後出塞詩韻

戰死爲鬼雄勝於生爲侯馬革可裹尸何必正首邱君今爲前鋒願弗再  
淹留作戰貴身先不在口筆頭吾聞責人者責己亦必周攜手赴前軍毋  
貽元戎羞但知而不行厥罪同竊鉤

越山則需梯度水則需橋作戰則需財誰爲漢廷蕭比年盛戰備民力已  
盡招如何攻守具臨事猶寥寥坐令帶方奴縱橫成天驕山川難阻隔萬  
里非遠姚

戰事旣殊古平地難建勳天衢試翱翔丈夫志凌雲飛仙不必學願學飛

將軍驚心肆毒處悽慘不忍聞會當振天威一掃天魔羣

天魔借用

上以報國

家下以答嚴君

慷慨趨國難不暇計艱虞萬衆同一心誰則爲濫竽相期效越王苦身以  
沼吳何渠不若漢寧敢愛微軀日夕望逐北收復諸通都昨夜夢華胥凱

歌動九衢

武器雖云利戰術亦多門尤要在攻心心死奚復論頗聞道路言守土多  
孤恩宴安信鳩毒毋乃令智昏但知保身家所見亦鄙村痛哭告君言君  
亦有子孫

和陶公九日閒居僭次其韻

己卯九日  
客永康作

重陽鬱重陰涼颯噎噎生佳節乃不樂奚以副其名靡靡歲漸寒慨焉懷

淵明持醪竟靡由如聞太息聲我今尤抗麟傷秋惜餘齡思親不能已有  
酒難爲傾卽事不能高有菊任自榮登高怯兵氣動我羈旅情棲遲亦何  
娛淹留更無成

己卯九月同金潤泉張忍甫王質園嚴陵孫尹志陶楊穉笙游黃山  
導游者姚文采當開發黃山之任者也既歸作詩紀之

咄哉造物真譎狡噴破洪鑪運神巧幻出黃山卅六峯峯峯異態爭奇矯  
天都蓮華信卓絕餘者亦各矜獨造東西兩海尤蒼茫七聖迷途古深窅

天海光明臨絕頂黃山有四海天海居其中最高處名光明頂距海面約七千餘尺九華低衍匡廬小巖谷緣何以

海名雲濤壯闊山縹緲萬松猶龍恣蟠屈作勢騰拏舞鱗爪此山合有此  
奇松大生神物還相葆我來適值秋雨盛失喜繁陰破晴昊突兀惟驚鳥

嶼浮高寒但覺衣裘少移步易形回顧失應接無窮青木了攀躋力茶心

未疲好趁當頭天日皓雄偉幽深靡不顯刻劃形容苦難道晨興復觀雲

海奇潏潏泱泱還浩浩極目陰陽大開闔卷舒洵湧迷昏曉看山亦貴識

大體攬勝不欲隨衆好借名物象已足嗤有所謂松鼠跳天都等名目甚多依托仙靈尤可笑

如羅英等等名目拜觀音尤不勝數熔岩砂礫跡猶在陰火潛沉鬱微燎留得溫泉一脈存滌我

煩勞暢襟抱多難偷閒容一瞥游程二日殊草草止如嘗饑飽未得九轉

飢腸尙縈繞深謝姚君導我游指點峯巒如揆藻爲言後海更深幽始信

峯筍石始信峯下羣峯聳拔如石笋叢立然號石笋石猶其表所惜荆榛未盡夷譬諸韞積徒懷寶同游

半是二毛人開道鑿山嗟不早姚君已規畫開發後海期以三年成之戰事起遂停頓會當再辦幾兩屐與君

脫身事探討年來腰脚尙健頑鬢髮雖白吾未老

前詩既成復取前後海最勝者兩處各詠一篇黃山之勝至多若一  
一分詠不能盡也

文殊院 前海

文殊院到了失聲同一呼 此是兩人當時疲極得達神情故首句月白話 奇觀耀眼來困憊忽已蘇平臺

臨前海 院前有臺 羣峯若拱樞右盼湧蓮華左顧聳天都排雲倚玉屏卓哉

神仙居一覽收萬象鬱鬱青模糊來此殊不易臨別真躊躇回頭語古松

勞君再迎吾 文殊院左側入口處有松最老號曰迎客松

始信峯 後海

雙峯轟青霄壁立各千仞石梁跨危崖憑虛度攖峻 號仙人橋 其下臨絕壑過

之不容瞬後海莽蒼蒼石筍森嶙嶙既登可忘憂回思心膽震此梁何由

致賴松爲接引

峯顛有老松自對崖橫枝至崖側若闌干然往時游人過石梁可扶掖而行故名接引  
松疑初置石梁時必藉此橫枝攀援達彼崖始得成之今此枝已枯若石梁一斷將無

龍架殿  
矣

接引枝已枯無怪疑神運造化弄靈奇情理多不近不謂竟見之今

日真始信

題黃山迎客松

託身千仞抗風雲歷劫多生脫斧斤世上孰如君老健敢勞折節致殷勤

已卯于役永康與朱郁堂共事郁堂年垂七十予亦將六十矣將別

攝影以留永念郁堂信佛持戒甚嚴來書謂將藉是影以共葆

歲寒屬予題詩其上

浙

何期垂暮得追隨共此巖光映酒卮亂裏重逢難盡意老來歡聚反增悲  
苟全尙冀能常住守道還須善護持色相未空猶健倔相看毋負歲寒姿

己卯歲莫泰來錯石諸君過余隣竹齋遂有畫集錯石要余與泰來

合畫山水泰來擬文徵仲余則擬沈石田既成率題一律

君師待詔我長洲細筆粗毫一紙收象外何須驚柄鑿畫中寧復有鴻溝  
會心不遠諧幽契卽事多欣抵臥游誰謂沐塵無勝概今朝小集已風流

泰來寫梅甚奇因題六言兩首

一樹橫斜委地數枝夭矯參天高格自來誰似奇情輸與君傳作畫本

習徑寫梅尤貴傳神卽此天機具足居然舊譜翻新

十二月十三日大雪

侵晨籟猶寂窗罅透光晶心知雪已深披衣急開櫺瀾望雖皓潔雲天却  
冥冥峯巒失蒼翠竹未垂華鬘奇觀紛在目感慨忽填膺雨質本沉重况

更凝爲冰如何一成雪頓若飛絮輕霏霏縱紛紛到地亦無聲既積還復  
重屋木爲之傾明當杲日出倏又亡其形念此無常理了我齊物情

翌日聞蕭山失陷之警有作

誰言冬雪瑞乃利敵來侵幽賞猶未闌驚聞寇已深錢江亦天塹飛渡本  
難任恃險弛戒備覬覦遂侵尋白衣深夜來蕭山恣登臨此咎應誰尸太  
息淚彌襟宴安信鳩毒玩愒啓戎心天險旣已亡人力何由禁千山披縞  
素連朝鬱沉霧昊蒼似示倣多難古有箴禍福亦何常敢曰匪難謹天人  
苟交感相盪來精禋

次韻答泰來道阻失約之作卽以代柬

山居苦岑寂最喜良朋來何況值時危念亂顏難開高臥旣不能爲誰吐

奇懷雪後山愈好老梅傍谿隈方期來共賞一洗胸襟埃泥淖太無情良  
竟不諧詩來道所由懸知意興摧雪消春方至再來莫遲徊偷來反無詩  
奚必傷睽乖

己卯歲暮雪中感懷六首

何事尙淹留傷哉多難秋寇深偏歲暮家累况羈愁無病翻難遣成名失  
自由隱憂誰與訴風雪滿山樓

將以詩爲遣無如詩思昏牢愁消復起欲語吐還吞擬古疑成句翻新病  
俚言不如姑舍是對雪且開樽

對酒憎郵使驚心消息來吉凶難預測虛實費疑猜越七日以蹙胥潮胡  
不哀無窮家國恨和淚入尊罍

老母依吾弟柯山質廡居奉迎難見許定省竟常疎所學果何事此生寧  
不虛抱兒峯在望俛仰獨慚予

知己幾人在天涯信罕通絕交思廣論觀行貴要終勇者原無懼吾徒本  
固窮懷人當永夜爐火自態熊

妖夢忽驚醒寒鷄猶未鳴髮因逃難白雪是沐塵清未必容高臥何堪再  
避兵一燈殘焰裏耿耿望天明

日沐

己卯除夕仍避居沐塵偶讀東坡饋歲別歲守歲三詩頗有所感吟

塵尙存此俗因戲次其韻二首

饋歲

親朋相饋獻盤飧得所佐此風古所遺重情非重貨今也時事殊絕甘以

爲大杜子美天狗賦云不變力以許人兮能絕甘以爲大戰士實苦辛風雪壕中臥吾儕亦何忍歡宴狎廣

座寇與歲俱深迷若蟻循磨王逢原句移此勞前軍雖豐不爲過凡民皆有心

高唱寧無和

別歲

干戈未寧息山林且棲遲沐塵風物佳清景猶可追某竹瀾山塢老梅橫

水涯此焉恣徜徉已及二歲時年華雖云逝吾遜亦已肥近局時被招相

與止吾悲此歲良足惜寧忍匆匆辭辭卜居計當決及此吾未衰

守歲

歲去安能守毋乃等畫蛇習久忘其原古意爲之遮應惜此年中所欣能

幾何南疆盛告捷軍心當不譁奸謀自敗露快聞漁陽搗強梁成弩末已  
類崦嵫斜今年旣多獲來歲莫蹉跎守此好年時寶之其毋誇

庚辰元日

新春何意得新晴喜聽流鶯第一聲積雪乍消山若沃清溪初漲瀨爭鳴  
客來漸厭聞時事老去惟思遠世情但願今年似今日海天澄澈頌休兵

挽袁伯夔四首

有序

予於民國元年始識君於舊都梁任公所時相過從任公罷官君  
亦棄官南下居上海往還遂鮮十六年後予棄官南歸卜居杭州  
一歲或間歲始得與君一晤而與其從兄巽初從弟潛修則朝夕  
相聚其昆季間極友愛因獲知其景况倏變旣起巽初避居道州

潛修歸湘潭故里君仍蟄居上海近得巽初書始聞噩耗因作此  
挽之并唁其昆仲

交情都在亂離中蹤跡雖踈意氣通  
擯盡豪華歸簡樸世家畢竟有儒風  
棲遲海上歎芳菲寄跡孤高託興微  
悽絕佳篇成惡讖落花陰裏送君歸

予前所和巽初落花  
詩君實爲其首唱

散翁

陳伯  
嚴文

妙筆此傳薪並世文辭孰與倫  
太息廣陵今絕響起衰匡俗更

何人

清江三孔皆吾友平昔壘篋夙所知  
世亂先歸亦何憾獨憐兩地脊令悲

倬魚篇

一村相約禁打漁鷺鷥數罟咸驅除  
魚充庖廚本無辜釣而不網聖所謨

殺機不動生機舒細鱗修鱗良足娛游行苻藻依蒲蘆樂哉相忘於江湖  
豈知竭澤別有途霹靂一聲肝腦塗赳赳來此胡爲乎曾縮烈彈雄萬夫  
不往擊賊來擊魚濠梁之興誠不孤

庚辰上巳

歷落詩懷誰與陳欲修禊事少同人風光如許閒拋却老健徒傷負好春

陟園

灼灼山茶與牡丹小園春事漸闌珊明年蹤跡知何處負手花前着意看

鄰竹齋前手植松柏各一株示主人巫瑞琛

三年多難此沉吟何物留遺與瑞琛植此貞材便鄰竹相期莫負歲寒心

第三句便字本作使林宰平以爲便字較佳邵裴子則主仍用使字因兩存之

有何德澤到巖阿竊比康成媿負多

有欲改稱沐塵為余公鄉者故云

獨此後凋心事在他年

故跡記寒柯

沐塵自巖局至村沿溪里許名楊柳堤故老告余沿堤原有柳千餘

株因得名自咸豐兵燹後遂無存云余避居此村久擬補植以復

舊觀因循未果今春始償此願植時遇雨喜而作詩時庚辰三月

八日也

萬縷千條拂水濱循名猶得認前因問尋蹤跡思還舊莫更蹉跎忍負春

作計十年知未晚揮鋤一雨喜茲晨栽成幻覺時相擾楊柳陰中好沐塵

省母九首

避亂以母在未敢輕遠游奉迎來沐塵相依歲未周慈懷耽幽寂徒居柯

山陬不欲我隨侍以我世故稠虛名實身累難以寡愆尤時平且非宜何  
況亂離秋再拜受訓言中夜淚暗流養志既不能反貽高堂憂

別離稍久長又望常相見相見顏甚歡臨別色必變沐塵與柯山相鉅原

非遠但須經衢州空襲良足患

衢州轟炸最烈警報最頻

復有石室溪難渡常興歎

溪水頗急水至恆不

測時有覆舟之患

母時以爲言汝行吾膽顛亦欲數往還恐累慈懷眷

盛暑與嚴寒必誠我勿至春秋佳日多復恐險難避

畏空襲也

是以聞我來倚

閨常惴惴從茲往省時行期必先祕卒然得相見意外表驚異執手乍懽

欣歡極翻流涕骨肉喜相依本屬尋常事母健子不衰遭逢却非易但非

值亂離疇了此中味

我至必沿具親身入庖廚往來督僕嫗清健不需扶有時意興來或且親

醜直婉諫不獲從謂此吾所娛開囊發陳醅涉園擷新蔬知我所夙嗜一

一陳盤孟美味必以賜而自食其餘何樂有此子視膳禮已疎反以損老

親慚負當何如尤有難忘處每食歎無魚知紹宋喜食魚而其地無可得故也

鬚髮偏易白茲事最恐惶以是進謁時鬚鬢不敢忘每見必慙然觸目添

雪霜汝髮亦已白吾老安可量聞之汗浹背母心豈不傷因言涓濱翁姓翁

何氏廟下村人於予為父執年七十餘鬚髮忽由白轉黑鬚髮今轉蒼焉知我他時不與之頡頏一笑聊解嘲瞻

對殊徬徨

母雖謂我老視之猶童孩寒燠尙關心疾病尤縈懷噉飯問幾盃飲酒問

幾杯睡眠夜幾時溲溺日幾回趨事宜有節憂時莫過哀讀書與作畫毋

使勞形骸體貼罔不周恩深信無涯一言必相慰辛苦亂中來

鄉居苦湫溢庖溷邇庭除僕媪皆愚駭侍奉悵不舒深慚失孝養無以爲  
親娛焉知老人懷翻樂田家居尤愛隔溪山蒼翠映蓬廬謂可永年壽奚  
必屋渠渠告我居鄉來每飯加半盂逃難反增健非復當年癯聞之喜不  
寐此理或有諸

曾孫依鄴下娛老喜含飴此兒亦寧馨頗知老人慈老人愛之薦教誨寓  
游嬉漸能識之無亦穉嫻禮儀母呼我小名曾問呼阿誰母禁勿使呼從  
茲未敢違母教慎細微此理信不疑我幼所受教長大皆忘遺今看育此  
兒懿範儼在茲此兒抑何幸如我幼年時

離離向暉草霏霏承宇雲母老不能養俯仰徒酸辛甘旨縱時致寧得爲  
事親有弟事懋遷不獲侍晨昏諸兒皆游學亦復悵離羣明年倏八十豈

宜更出門選舉偏濫等國計當具陳將為巴蜀游猶未敢上聞載誦白華  
篇夙夜忝為人作詩聊自訟存以示子孫

昔人謂寫竹宜以怒氣余謂不然一涉怒氣便鄰於獷悍矣偶以娟

秀之筆寫大幃因題兩絕

書

玉立亭亭向碧霄此君風格本清超何須怒氣來揮灑筆墨融和韻自饒  
筆法原來等作書婀娜剛健本相於莫嫌娟秀無風骨要使縱橫習氣除

游寺下村弔劉文靖公四首

有序

公名章宋紹興十五年殿試第一官至資政殿學士卒謚文靖為  
吾縣宋代名臣之一宋史有傳寺下村為其故里

延和寺下舊村莊一水縈回萬竹蒼

公有水竹居詩  
當為其讀書處

何意名賢棲隱處也隨人

世話滄桑

舊寺下村莊已為大水冲沒殆盡今村址已稍易其處矣

作傳當年費考稽

予修本縣志時以舊志公傳未佳特為改譔

清標峻望敢思齊如何明德偏無後松

柏摧薪墓亦犁

公墓前翁仲惜經後人移易今已不能知墓所在

非非國語刺刺孟

公所著兩書名

名著何年付劫灰

朱彝尊經義考注云已佚

太息僅存詩兩首

今僅存水

竹居偃王廟兩詩予已載龍游文徵

吟餘憑弔益低回



故居墓道兩難徵尋訪興修悵未能一代才名猶寂寞千秋事業太無憑

游玉山普寧寺內唐宰相閣立本墓偶題二首

有序

玉山志載寺為閣相捨宅建墓在寺後有清康熙時所立石碣按

閻為陝西萬年縣人何緣來玉山耶逃難中無書可檢考姑付闕

疑而有感其誠子孫弗習繪畫事口占小詩紀之

縱云方志喜爭墩何事偏題閣相墳是僞是真君莫問翛然且共仰浮雲  
御前承詔快揮豪猶恨丹青格不高失却畫家瀟灑意寫生真欲誠兒曹

竹林寺道署八首

予幼時遊此猶是髮後荒山一無所有

昔至猶荒壤今來成翠微山林欣靜寂殿宇訝崔巍佛力真無量吾生安  
所歸烟塵嗟未息卽此澣征衣

入寺便清涼天然道署場高巖豁幽洞密樹翳驕陽蟬噪心逾靜蜂飛氣  
亦香稀衣微覺薄知已近昏黃

遠渚搖帆影橫塘漾瀟風境開平野闊氣挹大江空烟樹迷濛裏叢篁深  
藹中後山松更好擁此梵王宮

山門開曠朗一覽衆峯青欲更窮千里還當築小亭繞闌凌削劣架棧突

滄溟此願終須遂艱難不憚經

山門下巉巖壁立予擬於其頂壘石架梁建亭其上以資遠眺能盡攬東南諸山之勝已囑僧募捐惟工程較爲艱鉅耳

朋好聞予至相將把臂來劇談忘旦暮痛飲罄餅壘涉想每奇絕揮豪亦快哉興來同杜老隨意坐莓苔

嘉名良不負修竹信稱榮未雨聲還起無風韻自清江山有靈氣棟宇亦

神明幽絕黃昏後林間皓月生

圖

鐘聲飛出林萬籟頓沉沉明月疑留待遙空若有音無言忘對客百事失關心夜氣原相感毋虞風露侵

世事偏催迫無緣得久留登程猶戀戀回首已悠悠七日容休沐三因許講求勤殷感僧意明歲約重遊

別墓二十四韻

洵洵何時定悠悠將遠行艱難歸故里慘澹謁佳城感慨秋將老盱衡氣未平誦芬思弗負垂白愧無成緬想先君事誠為問世英治經通別解作

賦擬西京餘事耽書法閒情寄酒觥抱才傷不偶蓄德歎難名託興三閩

意抒懷四座驚居喪充至性一慟了平生自挽安天命遺言耐父塋先君以居喪致

毀卒曾自挽云天之命令其何能違祇恨父骨未寒先靈莫慰我這清狂便堪不朽奚必等身著作蓋世功名又橫額云從先大夫於九京年猶遜顏子跡又近淵明

先君尚有微陶自挽歌辭痛絕彌留語哀哉槨葬情孤兒艱擔荷卅載苦經營庭訓慚終

負楹書讀未精顯揚安用貴敦厲始為榮此義承遺教終生勉葆貞修名

嗟不立世事又紛更俶擾皆瘡痍縱橫尚甲兵濫筭叨獲選挾策敢寒盟

縱未懷長略安能憚遠征辭辭廬墓樹馳赴蜀江程鴻雁雲中見鶴鷗林

際鳴遲回還却顧潛潛淚頻傾

別母二十四韻

渺渺雁來洲蕭蕭風滿樓悽悽慘慘將別戚戚苦難留遊子浮雲意高堂落  
日愁囁嚅陳往返屏息聆咨諏期日驚何久長途問所由戒裝頒藥餌治  
具賜珍饈旅事丁寧再行囊檢點周劬勞信無極訓誡又從頭既已膺英  
選奚爲守故邱艱貞自无咎敵愾在同仇縝密求垂憲恢宏壯大猷覆巢  
吾所懼仗馬汝應羞東浙當無事西川自有謀故應公是急毋以我爲憂  
惶恐承慈命康彊託庇庥母懷嗟莫慰子職悵難修草尙春暉報烏猶反  
哺酬眷言思夙昔內訟益愆尤北府叨清秩西湖欣退休板輿慳久駐菜  
綵願難求喪亂周寰宇奔逃各一陬生離當暮歲遠適况窮州謁別腸先  
斷臨行淚強收還當早歸侍寧忍久羈游

右兩詩作成後將啓行矣忽傳國民代表大會展期之訊遂不果行

而詩既作成亦姑存之

庚辰中秋沐塵賞月

清光已滿天明月在何許却恨東山高累我久延佇延佇亦何妨但恐浮

雲聚雲移氣益彌清幽絕光初吐一吐萬象輝今宵勞作主瀲灩漾澄波

瓊琚散林塢清露已暗滋涼風亦潛煦久坐不勝寒歷歷星可數寒生境

更幽那忍歸寢處西山嗟更高轉瞬已無覩人生俛仰間佳景同逆旅

山東

西山指沐塵山名非空指東西之山也

題畫

幽居不厭深隱在清溪曲却愛對蒼巖築亭便游目良朋期不來一竿釣

寒淥

菰蘆渺無際瑟瑟若有聲依稀遠林表縹緲蒼烟生幽人在何許空有一  
舟橫

陳伯衡自海

上來書謂其友某君曾於市肆見予昔所用書畫印知

爲杭寓刮餘物卽購以屬其寄還意殊可念率成長句記之卽以

代柬

故園金石委榛萊小印紅泥歷刮哀墜甌忽蒙知己顧開緘如見故人來  
虛名是累翻成幸積習猶存未免貳珍重憑君先致意論交他日此爲媒  
庚辰重九薄暮登沐塵東山作

策杖登臨興強賒沉沉大陸起龍蛇淹留已感三秋迴尋繹難禁兩鬢華

陶公九月九日詩萬化相尋釋人生豈不勞

勝事何人攜濁酒奇懷今日負黃花閒謠聊為酬佳節愁

對西山落照斜

重九懷人用陶公己酉歲九月九日詩韻

閒居寡儔侶慨焉懷舊交嚴霜殄異類用陶句伊誰為後凋晚節對黃花伊

誰為孤高登臨望天末兵氣正昂霄用古詩句道路阻且長用古詩句輾轉知徒勞恨緒

傳雁足杜光庭紀道德賦雁足淒涼分傳恨緒密意託桐焦胡宿詩已託焦桐傳密意故人應相念兩地同鬱陶秋

風日以厲良晤定何朝

庚辰九月十七日赴官潭村宿於璩景賢家將於十九日登龍山為

展重陽之會而秋霖不止又聞諸暨之警意興索然遂以不果因

作此詩

強爲歡笑展重陽風鶴頻傳興遂荒頓覺秋光呈黯澹那堪霖雨助淒涼  
淪胥曠劫思三戶歷亂幽懷寄一觴我負龍山山負我雲來神往兩蒼茫

自題所畫巨幅墨梅

堂上不合生楓樹杜陵高歌有奇句我今放筆寫老梅丈六金身現縑素  
曲幹騰拏恣奇矯繚枝亂插殷回顧幽馨冷艷如可挹的皜繽紛恍飛絮  
近來塗抹愛寫梅世人未必知其故窮居憂亂感歲寒託意芳貞表欣慕  
三日寫成抑何速興來磅礴忘朝暮我梅無根由意出豈待鉛華始成趣  
不須摹古但取神煑石逃禪或可遇懸之堂上亦如楓衆客相驚起烟霧  
香溫茶熟自怡悅生動亦頗疑神助詩成猶欲窮其奇世無廣平誰能賦

自題所畫巨幅孤松

存身空谷猶蟄龍奮起揮毫寫老松老松亦頗得龍性潛隱巖壑留高蹤  
畢弘韋偃久寂寞我來爲汝圖形容紙寬尋丈高有半但恐筆弱難爲功  
冬夏恆青昔所尙特立不懼斯爲雄不寫連林寫獨樹寒柯取義宗陶公  
孤懷微尙欣有託詩情酒意還相攻寫成張壁勢飛動神理躍躍疑騰空  
攬雨擎雲舞鱗爪水墨一片青濛濛虛齋隣竹得良侶戶牖開闔精靈通  
松耶龍耶猝莫辨雲雷殷殷紛相從驚心杜老時危句莫教慘澹來悲風

與客談詩漫成二十三絕

有序

予不能詩本不敢妄談也而客必強之談因書所談者以爲詩聊  
記一時感想其未談及者不與焉非予論詩之全體也故詞無詮

次

詩原言志本心聲不爲求知不爲名三百篇中皆好手何曾標榜以詩鳴  
風雅從來關教化溫柔敦厚耐人思石屏一語鍼蒙昧要做人間有用詩  
唐音宋理元丰致下逮明清格遂卑賴有亭林作砥柱生平不作等閒辭  
詩家原與畫家同平澹天真見化工縱使委心摹古法也須有我在其中  
悠然孤往動遐思脫手空靈自不知始識陶公高絕處來從獨飲寘懽時  
熱腸迸出傷心語不事雕鏤見性情無病呻吟終不類好詩多自亂離生  
何人作俑賦香奩託體卑微措語纖好色不淫徒藉口裙裾脂粉太層層  
屬對停勻儻事工西崑艷體鮮難通我慚腹儉安從學自寫胸懷付太空  
模唐范宋競誇張風雅陵遲比興亡但重修辭輕命意何殊木偶被冠裳  
歎老嗟卑信可憎思歸慕隱亦羞稱游詞習語催人睡未及終篇已不勝

本無寄託漫成章應讓漁洋擅勝場綽約風姿流麗句千篇一律便平常  
銅餅蕃劍有深思不是尋常弄巧辭堪笑效矚誇體物了無意義鬪妍媸  
厭讀人間酬應詩不關美刺祇諛詞人生出處真難料莫使他年失悔遲  
運典原來貴自如泯然無跡始躊躇搜奇炫博雖華絢何苦勞人檢類書  
興來步韻本無妨詎可專攻詔擅長不是做詩成做韻愚山俊語未爲狂  
偶成好句強成章好句翻爲累句傷斷句何嘗不名世攪林風雨咏重陽  
箋詩本以明詩事徵引還須慎取材莫視篇章同謎語先懷成見漫疑猜  
承平那識亂離苦朝市安知山野情論世知人真不易休持聲病肆批評  
微詞婉語費追尋評隲須知作者心每歎丹青圈點後古人精詣反銷沉  
由來詩話資談助亦可因之見本原莫作逢迎時貴具須防柳穀遇朱溫

協律篇章稱樂府談言時事入歌謠正名貴要窮原委無韻非詩自不祧  
詩隨時會始爲真豈必斤斤貌古人但在精神不在體體新未必卽詩新  
茫茫終古無窮極今日爲新往卽陳詩體推遷無止境莫教來世笑吾人  
蘇公選集古草書爲其先德藜照先生作事略屬題

集古如己出開編見孝思象賢名始顯食報理無虧道以中庸著言求婦

孺知不文慚表墓寧肯溢諛詞

予曾爲藜照先生表墓

庚辰謠十三首

并序

浙東自今年來情事劇變非必皆敗徵也而有識者深憂之爰託  
於諷諫之義而作是詩非敢自詡詩史所謂言之者無罪聞之者  
足戒也予既忝爲議員亦有知無不言言無不盡之責知我罪我

所弗計矣

禦侮已閱三年強壯士被徵守四方民間所餘多老弱未免令我良田荒  
田雖荒豈得已吾圉不固毋寧死舉國皆兵國始強講武還須逮女子縱  
無健婦把鋤犁敵愾同仇古無比父老猶狃太平時但求緩免營其私翻  
喜吏丁上下手冀留餘力從耘耔然耶否耶我弗知

富出錢貧出力凡屬國人咸有責就中出者誰最多獨有農人知愛國出  
力最著爲服兵戶有兩丁徵一丁所徵盡是力田者春耕遂廢秋無成秋  
無成食不足雖非出錢已出穀毀家紓難縱所甘忍哉計吏還煎迫特產  
油棉並絲茶戰時價格百倍加絞盡終年汗與血奇贏什九輸公家士人  
夙稱四民首不出錢力惟出口工商規避巧夤緣艱難獨使農人負農人

悃幅真可憐滿懷抑鬱無由宣事之不平孰過此誰歟爲作憫農篇

壯士奮臂去從軍一入管區怨聲聞不怨軍規急束縛但怨軍吏狂怒嗔  
耐寒忍餓受鞭撻被驅不異鷄羊羣似聞新兵須優遇嗟我所遇非其人  
百不能堪祇一走慷慨壯志何由伸長官不察任軍吏按籍追尋到故村  
不告縣官責鄉保口啣天憲來捉人捉何人君莫詢

我今作官奚爲哉雖爲國家亦爲財小官不可做廉吏不可爲雖有刑章  
做貪墨挾貴挾長莫我違於今物價正騰漲兼營商運利倍暢公車可占  
稅可蠲揭糶軍用誰敢抗縱教發覺亦何妨幾輩貪人皆遠颺咄爾小官  
真可憐薪俸所得無幾錢縱加一五有奚補

近政府爲體恤官吏生活費不敷起見特准原支額加一成五

龜背

刮毛寧得氈刑章祇爲爾輩設稍一不慎遭棄捐廉吏誠愚不可及寒柯

先生尤索然虛名不能救飢餓偃蹇空山年復年奚若我輩肥腰纏天南  
地北高飛騫

平米價米價平米價平時餓殍增官家抑價米不出市中暗價從飛騰既  
飛騰益難得百金纔市米一石多謝官家太費心封倉遏糴籌民食由來  
民食權在商不聞豐歲猶逃荒異哉五年歌大有翻勞計口受官糧我豈  
爲商訟冤屈病在盈虛失調節民間倉廩未全空挹彼注茲寧乏術如何  
忘却耿壽昌千秋良法常平倉貴糴賤糴價自抑高談政策疑張皇  
米價強抑平物價翻翔貴米賤物貴太反常徒使商人專其利物產於地  
出於農病農利商豈得計藏富於民原不誣忍哉罔利賤丈夫囤積本非  
罪居奇乃其辜殺一懲百真良圖雖然誅之可勝誅

莫種禾多種蔗收禾碾米要歸官製蔗爲糖可得價官裁米值過於廉糖  
價十倍還不下糖縱居奇不爲罪米不歸官却無赦何況種禾用力多不  
若種蔗無奔波好勞惡逸毋乃蠢賣糖買米腹皤皤腹皤皤樂如何勸君  
聽我種蔗歌路有餓骨且繇佗多種蔗莫種禾

千門萬戶笑顏開大農巨賈消遣來呼盧喝雉興飛舞俾晝作夜勞形骸  
奇贏所得供一擲貪夫畢竟甘徇財東隣懋遷利十倍西舍土產如山堆  
不逢國難寧致此毋徒自苦聊開懷如此多金作何用不事博戲奚爲哉  
嗚呼不事博戲奚爲哉壯士軍中苦不飽沙場戰死良堪哀

去年小商今大賈去年小農今大戶一年之際貧富殊歡樂頓忘疇昔苦  
人間通病逸則淫得意忘形固其所回視室中婦貌醜疇彼小星忽三五

烝通易內皆泛常隱隱閨門成怨府幾多罪惡借自由離異勃谿難縷數  
糟糠之妻不可忘此義今人棄如土風會如斯亦可憐利害切膚竟無覩  
君不見齊人兩妻遭或侮

尊師道師道尊師道雖尊束脩少終歲擾擾不足贍一身中學已微眇小  
學尤艱屯面目黧黑骨枯槁登堂毋乃太率真豈率真君當曉無可奈何  
求一飽猶幸父母棄養早妻孥亦已成餓殍惇然無告民覩顏作師表方  
知如是尊師道慎弗多言餓死事小

教師小官皆奇窮欲圖飽煖爲人傭爲傭受值猶有限輪輿御者真豪雄  
日致千金不足異己力自詡貪天功君雖乘車號公吏所入較我寧能豐

輿臺僕圉豈賤役煌煌功令君當從

近開禁呼汽車夫爲  
車夫應稱爲機司

治人食人亦虛語直

須神聖相推崇異哉世變乃至此無怪許子宗神農

圖

萬山林木森蒼蒼松柏楓杉桐梓樟自來每誇不勝用豈徒今歲憂柴荒  
價增去年六七倍猶恐轉運來無方礦煤阻絕取以代機械所耗難估量  
藉詞公用須徵收斧斤不赦疇責償天地生材亦有限非同風月無盡藏  
頗聞咸同兵燹時柴荒無奈摧棟梁至今舊觀不可復父老言之猶愴傷  
狗何辜乃遭烹千村萬落無吠聲借問胡爲有此事向來猪羊之價難抑  
平迨至今年益難抑兵餉無多購不得權將狗輩作犧牲不飽如何能殺  
賊咨爾主人且弗傷無狗守戶亦尋常君家之狗信無罪豈不聞殺妾烹  
馬充軍糧從來軍事關國命區區狗命奚較量誰知狗性亦狡黠但見軍  
裝皆遠颺

除夕書懷

閒謠沉痛說庚辰感逝哀時涕淚新農圃虛期殘臘雪梅花早洩隔年春  
驚心運會今何世屈指交遊少幾人

今年老友  
凋亡最多

來歲風波難可料今宵燈燭

且相親



浙江圖書



浙江圖書館



浙江圖書館



寒柯堂  
避  
尺  
詩  
草  
一

甲申秋日

賀揚石並題




浙 江 圖 書 館

811.18  
80232





浙江圖書館



Centimetres

**TIFFEN** Color Control Patches

© The Tiffen Company, 2007

Blue

Cyan

Green

Yellow

Red

Magenta

White

3/Color